



Мелейек Казачинова

*Тілім минің –
хайхазым*







Kazakh

ХАКАСИЯНЫҢ ЧАЙААЧЫЛАР ТУРАЗЫ

Мелейек Казачинова

*Тілім минің –
хайхазым*

(көөл)

Ж1896516к4

ГБУК РХ
"НБ им. Н.Г. Доможакова"

Ағбан
2021

УДК 821.161.1

ББК 84 (2Рос=Хак)1-51

К-14

Мелейек Казачинова

К-14 Язык хакасский мой : ода. Диво-юрта :
сказка в стихах / Г.Г. Казачинова. –
Абакан : Дом литераторов Хакасии,
2021, 96 с.

В книге вниманию читателей предложена ода
«Язык хакасский мой», посвященная одному из древ-
нейших тюркских языков – хакасскому.

ISBN 978-5-905-115-82-0

УДК 821.161.1

ББК 84 (2Рос=Хак)1-51

ISBN 978-5-905-115-82-0

© Казачинова Г.Г., автор, 2021

© Дом литераторов Хакасии, 2021

Сөс алны

Галина Казачинова «Тілім минің – хайхазым» тіп кибеліснен пазылған улуғ хоос тоғызынаң хакас литературазында наа сарых (жанр) төреенін чарлапча. Ол аны көөл тіп адапча. Орыс литературазында ағаа ода килісче. Одалар өөнінде хайдағ-да кізее, хайдағ-да кирекке чарыдылып, хайхап, махтап, пазыл турчаңнар. Хакас литературазында ода тилибеен.

Тиктең нимес Г. Казачинова, махтас сөстерін арнап, хакас тіліне чарыдып, аны көдіріп пасча. Хакас тілінең чон ас ла тузаланып одырчатханнаңар, кибелісчі, төреен тіл аарлығ полчатханын көзидіп, аннаң поғдархирға көөктірче, кізі хайиин тілнің туазынзар паза сілиинзер айландырча.

Галина Казачинованың хакас тіліне чарыдып пасхан тоғызы поэзияның хоос ондайларынаң хайхатча. Мында аның өөніне сөс ойназы алылча. Автор, омонимнернең, омографтарнаң, сөстің аймах хубулыстарынаң алғым тузаланып, хығырығчаа хакас тілінің пайын, пос ондайлығ сарин асча. Тастынаң төөй сөстерні, аарлығ сурларны пір чіпке ишти чыған



чілі, пірге таап, кибелісчі сөстің хайхастығ
ойназын асча паза сөсте хайдағ-да чазыт пар
полчатханын сизіндірче. Аны прай ондайли
пілер үчүн хайди даа пос хараанаң көрерге,
хығырарға кирек.

*Н.С. Майнагашева,
филология наукаларының
кандидады,
Россиядагы писательлер
пірігізінің араласчызы*



Теме родного языка посвятили свои стихи в послевоенные годы наши поэты Н. Доможаков, М. Кильчичаков, В. Майнашев, Г. Казакинова и др. Галина Казакинова заслуживает особого внимания: ею написана ода (көөл) – неосвоенный жанр в хакасской литературе.

Известный хакасский поэт, прозаик, журналист Г.Г. Казакинова является одновременно и историком, перед глазами которого происходили события, перевернувшие образ жизни всей страны.

Произведения Г.Г. Казакиновой имеют как историко-познавательную, так и художественно-эстетическую ценность. Влияние традиций, заложенных основоположниками хакасской литературы, нашло отражение в творчестве Галины Григорьевны и в заимствовании традиционных эстетических принципов, и в системе образов, и в стилевых приемах, и в языковых средствах.

Читая ее произведения, убеждаешься, что именно развитие реалистических традиций отечественной литературы помогло писателю не только сохранить свою индивидуальность, но и всесторонне, глубоко развить ее. В первой



хакасской оде «Тілім минің – хайхазым» («Язык хакасский мой») автором точно и метко, при помощи выразительных средств – омографов, омонимов – провозглашается идея сохранения во чтобы-то ни стало своего родного языка.

Здесь каждая строка восхваляет, воспевает величие родного языка – одного из самых древних тюркских языков – хакасского. Ода пронизана стремлением возродить его былое могущество и тревогой за его будущее. Стихи отличаются своеобразным ритмическим построением, привлекают яркой эмоциональностью.

Творчество Г.Г. Казачиновой – яркий образец усвоения классического наследия и того, как можно создавать новаторские произведения. Издание книги «Язык хакасский мой» Г. Казачиновой, посвященный родному языку, станет ярким событием национальной культуры.

*В.А. Карамашева,
доктор филологических наук,
почетный профессор Тувинского
государственного университета,
член Союза писателей России*



Полагала, знала, что рифмуя омонимами, омографами с их неуловимыми, коварными в оттенках выражениями, и в то же время такими притягательными своей таинственной одинаковостью, внешним рисунком, созвучием языковых частиц, но с разным смысловым значением, писать будет очень трудно, почти невозможно.

Но... получилось, есть сюжет, интрига. Автор надеется, что удалось подружить с омонимами, омографами и т.д., как форму, так и содержание произведения и мечтает, . . . но это будет уже другое творение ...

*Галина Казаchinoва,
член Союза писателей России, лауреат
литературной премии Главы Республики
Хакасия – Председателя Правительства
Республики Хакасия имени Моисея Баинова,
Народный писатель Республики Хакасия*



Язык хакасский мой

*Язык хакасский мой,
освященный
богородскою
травой,
Тасхылом назову,
шумящую
тайгой
и мудрой матерью
Ким-Инесай
рекой.
Не исчезай,
кем стану я
и народ мой.*




Ада чирім пар

*Чабыс таа полза,
 тагларым пар,
 Тайыс таа полза,
 сугларым пар,
 Тар даа полза,
 Ада чирім пар,
 Чоным чаны –
 төреен тілім пар.*

Ада-Инем, Чирім, Төлім, Ил-Чоным

*Тілібіс чолын
 істебізеең,
 Арыг тынын
 истібізеең.
 Аарын-чүгін
 истебізеең,
 Урунчагын
 изебізеең.*





Тілім минің – хайхазым

кӧӧл



Иң улуг хынызым...

Иң улуг хынызым – төреен тілім,
Нимее салбин, тібеем «пір тілім».
Хайхаам, хада өөрлим, тилим,
Чоным арали сілиин тілім.

Чарыдып ағаа пір тилем,
Кибелістер пасхам тилем.
Төөй сөстерні, адап, тілеем,
Хара кічиимнең син, тіл, – ээм.

Ирбеннеп, ыстап, түүрлеем,
Ханаттың өөрлеп, түрлеем.
Сілиіңе аптада, түлеем,
Түбіңе чит полбин, түүлгем.

Тілеп тілім төс-төллерін –
Ніндеем талай, тағ-төөлерін,
Өөркі Чайааннарға төөйлеем.
Чуртас күннерімнең төлеем.



Хараа-күнөрте, таң-таңни
Чонымның Ада изіне таңни,
Хоос сөстөр, таба, талли,
Өкерсінгем, айыла-талли.

Чоох пазында сынын ахти,
Орта тапсам, уух-аахти,
Саба пассам, алиим ахти,
Орталазам, хайхап: «А-ах!» – ти.

Чооғымны пайыда хоости,
Чүгүре-паза чаххам хости,
«Хыйғаң пар полза, хос», – ти,
«Хаахтаан полба – хас», – ти.

Сағызымны айли-хысти,
Эрінгенім пазып, хысти,
Тілімнеңер пазох пасчам,
Өөрледіп чүрек пас-чан.



Көөлiм сыных сөстер сырбаан,
Ах чазын оларны сыырбаан.
Көксiм, чайлалып, хураан,
Сағызым көөлнi пик хураан.

Ам даа пазарчыхпын хоорам,
Че иир тузы орай, хоор ам.
Нинче ыр-сарын, сөс хоорам –
Халбазын, тыным, пiр хорам.

Сөлепчедiп анымчоғым,
Сыйлап пирдiм аниим-чоғым.
Халых пайы – сөс аниин
Хайхат турғай чоох ании.

* * *

Пок, пазох чүрек хайнады,
Сөстер, маңзыри, хайынды.
– Хурай! – ағаа тим-тус ызы
Чонға читчен пысты тузы.

ГБУК РХ

"НБ им. Н.Г. Доможакова"



1896516

Төрөөн тілім, ирт төрзер,
 Иң пөзік тасхыл-түөрзер.
 Чалбах Чайаан саңни түзер,
 Талаан сағаа өөртін түзер.

Пыролығлар тізекке түзер,
 Худайға чіли, пазыр түзер,
 Иеркеені пазына түзер,
 Пыро чоғы пайи түзер.

Экай-а!

Нандырып Чир Инее толиим,
 Толығлығ поладыр толым:
 Тіліме алымым, тіп, төлим –
 Тазыхтырим хыйға төлім.

Айранны амзи, төййли,
 Сөстерні сырбаам төййли.
 Ис пысхан чіли, өййли,
 Хоос сөснең сырлаам өңни.



Киліскен ойғалыс ойли:
Кирек сөстер тискен ойли,
Оой нимес пазары ойли,
Ачиимнаң өстеем, йоли.

Тілім – хайралым, пизиим,
Төөле чітідіп, пізим.
Чонға саблир сын пызиин,
Чидер бе ни пар пызиим.

Өкер тілімнің пайын сынап,
Өөртін кибеліс чайаам, сынап.
Төөй сөстер, чачынға сыыннап,
Ибір чөргеннер, сыыцнап.

Ирікпес тілімнің изін иирип,
Иркелет чөргем изен пирип –
Ил-төлімде изебі чох саацнап,
Ибір чөрзін Чирні, сацнап.



Тілім, аарлиим, паарсазым,
 Чонымның чүрее-паарызың –
 Чіткелексің, «Хурай!» – парзың,
 Хыйалларың хыйа парзын!

Полыбысты үлүзім харам –
 Айып, уурабысхан хараам.
 Читсін чайғы, хысхы, хар ам,
 Кибеліс чітідіп, хаарам.

Тіл пілбеені чидеелбес,
 Чораа, көксөреп, чиділбес.
 Алғап: «Тоозылбаай амзор!» –
 Читірет сағаа пай тазор.

Чут чыллардаң көленіп,
 Чөргем кибеліс кіленіп.
 Тустар иртісчедір хор,
 Саңнапчалар чыллар хоор.



Пу аар тустарға өзелбе,
Тілім, чоңыңнаң өс алба.
Пірее тим поладыр хазыр,
Че анзы даа пістең хазар.

Пой! По-ой!

Чайаачының читкен алии,
Тасты пір сөстерні али,
Аннаң-мыннаң туда-али,
Көөлге кирерге, алли.

Сөстіксер пірее-пірее аалли,
Таллап-харбап, чыы алли,
Тіл сүзүнін чідіре-айли
Пазарға күнни-айли.

Хоос сөстер чайап тиңни,
Санирға, слогтар тиң ни?
Анзын синир пу син ни,
Ікінчілеп турғам: «Сын ни?»



Төреең тілнің изін сыни,
Хайхастығ илбегін сини,
Ойғалызын тутхам, сунни,
Аар-пеер алыстыра, сунни.

Айғасханның тілі чітидір,
Хайбаан төлни чідедір.
Сынчыхтары тіл чітідер,
Сыных сөс чонға читілер.

Илін-чонын тыыдар,
Тыып парғаннарны тыыдар.
Чүреегі андада тозар,
Алаң асханны тызар.

Алнымда чатчадыр чазы:
Ах чачын – хараам чазы.
Сөстерні сағып, ах чазын
«Түк-түк» түклетчедір чазын.



Чапчаан салча ах-хыр чазым,
 Чаа тузында өскен чазым.
 Хоос сөс, хай хыр асчазың,
 Көөлім хаалхазын асчазың?

Хайдар хыйа син ахчазың,
 Чайаан сөзім? Арса, ахчазын
 Сурап, малхатча ах чазын,
 Төктіре хараамның чазын?

Пурунгы Тас
пічіктерзер чорых

Таң, түсте полды, таң, сында,
 Уйғуландым ни пөзік сында.
 Төреең тілім – пар сыны даа:
 «Ис, тидір, тайма, сынны даа».

Өктем Тілім чоо сасхады,
 Туюх сағызын сасхлады:
 – Тас пічіктер пар, – сайланды, –
 Чит пар аңдар, – тіп, сайғады.



– Тайығ итпин тайлыхчазар,
Тын-чаннарын тайдырчазар.
Талған-сүтнең тайығлаңар,
Тигір-Чайаанға тайаныңар.

Ах інектің сүдінең Айаң¹
Аар-пеер наныңар: «Айан!»
Аластаңар час айраннаң,
Ап-арығ суғлар-айранаң.

Хайди идер, харыспинчабыс,
Халых паза, хостанысчабыс,
Хадох ла хыстынысчабыс,
Харылып, хырыспинчабыс.

Кілің торғы кип кис салып,
Күрленіп, көг салып,
Пурунғызар көс салып,
Пар сыххабыс, көң салып.

¹ Айаң – Айас (Поднебесье).



Чыллар түбіне чол туда,
Тозын-сарып чула, тыда,
Тастардағы пічіктерзер –
Тарыхчабыс пизігінзер.

Чочыстыҕ чорыхха сыҕа,
Час танҕа ба сыырыҕа,
Чоллазып, хас чил, сығыра,
Чархандырған, сырыла.

Аран чулаа чүген суғып,
Чүзе наңмырҕа ба сууғып,
Алай сыт чилге сыырығып,
Читкейбіс, тустар сырылып.

Сах пу кістеен аран чулам,
Чапчаңына – араан чулам.
Пулут өтіп, Айҕа чуулам,
Чалтанып, чилинін чулам.



Кӧлде ўрўккен хус-ааттар:
 Хайдар чїтгї хоостаан аттар,
 Пір кӧліге хостаан аттар.
 Ыо, таң атса, ни, атар.

Тїлібіс чолын їстезеєнер,
 Узах чолға истетпееєнер.
 Хазых читсе, истенеєнер,
 Хал чорыхха истелбееєнер.

Тағ-суғларни, улызыңар,
 Астабас-сухсабас улыңар.
 Алны чолыбыс ачых ползын,
 Ай-сообыс туюх ползын.

Чыллар тўбїнзер...

Ырах чориибысты сайби,
 Харыл турған хыр сай пии.
 Аран чулабыс, сайалбин,
 Тыстанған, їс сайбабин.



Аран чула агаа хайбаан,
Азах, тайдырып, хаарбаан,
Ханадынаң на харбаан,
Хыр сай пиині хайырған.

Аран чула чолға позабаан,
Пик тутырған поза-паан.
Пурли өөрлеен, кісти-орли,
Пурун тынғызынаң оорли.

Чоғар сегірген ой пазы,
Соонда халған күл-ойбазы.
Малларның күстіг пазы
Полған ол алып позы.

«Пічіктіг тастарзар чидербіс,
Ибде чоныбыс чідіrbес», –
Ол туста иртіре көкесім
Пол чөре парғандағ көксім.



Аран чулаа чол чараан,
 Күстіг көңнічее чараан:
 Муңар тус өтіп, чохтазаан,
 Пурунғыларнаң чоохтазаан.

Амдығы төл – піске хайа,
 Чайағаннар пічік тас-хайа.
 Обааларны, пізеп-хыйа,
 Айланмааннар пістең хыйа.

– Ползын ма күнөрте-хараа
 Алай ба түн тоң хара:
 «Харасхы хайнаспазын,
 Чабал-чик хайыныспазын», –

Тіп, пурунғызар өте архы,
 Читтібіс чирзер аархы.
 Иртіп-азып тағ-арғаа,
 Чолыбыс салбин аарға.



Кинетін сооғы түскен хырт,
 Азах алтында – харт-хырт.
 Чых чылларны тобыра,
 Халтыраам чи, тооп ыра.

Чоо уустанған хас пораан –
 «Ибіркізі – ай-пораан!»
 – Йе-й, ағартып, син поран,
 Арыттах са чут поран.

Пасха чирде син хырлан.
 Аазында тамааң хырлаан.
 Күссің тик хыролирға,
 Ас парғанны хыродирға².

Орта көстирге ситкин
 Чох полған чир дее ситкің.
 Чонны айирға синің
 Чүреенде чатпаан синің.

² Хыродирға – хыйыхтирға (тиранить).



Пічік Тас ханда ааллас

– Аран чула, чилнің хахсан,
Арға-пиліңні хахсан.

Көксің дее, неке, хахсаан.

Тынан, хайди даа хаахсан.

Хостаан чылғылар читті бе?

Алай пораанда чітті бе?

Күннің көрізі – чіп-чітіг,

Айның кірізі – чідіг.

Харааның хара чурии

Астыхтырды ба, чуури?

Тигір төзінің чірии,

Азылбады ба, чирли.

Чазы-сөл хыри-пазы чох,

Чурт-иблер хыры-пазы чох.

Пічік хан сын позы олох,

Пізепче хайада пічік-ойых.



Харах ойналча, о халах!
Көре атарха, хус хайлах.
Хан кізі, салып хаалағ,
Хығырды, ааллап, ўн хоолах.

Сарчынға ат палғадыбыс,
Пасхыста пасхландыбыс,
Туртух-пасхаландыбыс.
Ибзер кіре, пасхладыбыс.

Иркін алти изеннестібіс,
«Изен-минді!», – Ханнаң истібіс.
Тідініп: «Тулуп-сыйых», – теебіс,
Туди-пире: «Хан-ээге», – тибес.

Ах пайзаң ибліг Хағанда,
Илбек ил-чурттығ Хағанда
Ааллапчабыс ордазында,
Пічік тастар ортызында.



Иб ээзі тösке пазырып,
Талбыраан чўрек пазынып,
Пічік чачында пазынып,
Пазырчабыс, пазорланып.

Чағын кіріп: «Изенде изен!»
Пічік хан, паарси, удур: «Изен!», –
Холдаң холға айа ізеен,
Чўреебіс, хайылып, ізеен.

– Иртіңер, тölлерім, алғыс, –
Пічік Тас хан: – Сігерге алғас
Ундубаан ўчўн. Алас! –
Хурайлапчам, чох пол, алчаас.

– Пурунғы пічіктіг чон хайхатча,
Амғыларға, аарлат-хахатча.
Постин пілбеені хыйыхтатча –
Ачынып, тös тіл, хылыхтанча.



Сүмекчін ниңнерін пыхты –
Төрт іліг хайахтыҕ потхы
Алтын столда оорли түсті,
Пілбес, сында, алай түсте?

– Аалчыларым, одыр, – тибес, –
Ай-сіреезер тибіредібіс,
Адыр, чоохтаң маңзыраба,
Анча киліп, маң сураба.

Иң чеестіг потхы-тамахты,
Өртеп, чіпчебіс тамахты.
Чоныбыстың пурунғы тамаа
Полған кибірліг ас-тамаа.

Чис аяхта хыйма-харта
Чіл парған сах пу хаарта.
Хан пызырып, хаар таа
Сыйладылар піс хағыртты.



Хой малның чапсых чіли
Ит-хурсахха толча, чыли.
Чооғыбыс чазыҕ чылли,
Изетчедір ит чыли.

Сүт, өріңме, эңигей, хайах,
Эрмек, пічіро, пызылах
Чапсырхастыҕ, сыт аймах
Чиистер пу ойнатты харах.

Хурут, хымыс, сип, сарапсан,
Халба, сарҕай ах, ит салыҕлаан.
Хол теербенде тартхан талҕан,
Хымыс, абыртхылар толҕан.

Уман полбин, чарба үгрее
Көрдібис, чазығып, үрүге.
Ухсум, сарҕай, көк көбірген,
Палых оды тик көбірген.



Аалладып, піске хор сараа
 Айран урғаннар хоор сараа:
 «Хахсаан көгіс чібідедір,
 Асха сухсаанни чібидір!»

– Көк Тигірдегі Тоғыс Чайаан,
 Өөркідегі Читі Чайаан,
 Ирікпин-салбин сағыныңар,
 Ил-чоныбысха сағыннаңар.

Чиизін чіп, азын ізіп,
 Иді-ханыбыс ізізіп,
 Алғир сөстернең алғаабыс,
 Чоохтазарға маң алғаабыс:

– Тосханда – тоғыс хонмаңаң,
 Аалчы хыңазы ханмаңаң.
 Чолға тутхан сағыстарны
 Читті тус сығыстырары.



Таста пізеен пічік-пічірөні
 Хығырчабыс – підер өңі.
 Тархында чайаған өөні –
 Чоныбыс хайхазы – өөңі.

– Пічіктіг Тас хан! – іліг іліп,
 Киліп, читкебіс, илег илеп,
 Сөлеп: «Өөрлеебіс таннарнаң,
 Кілеп хайралны таңнарнаң.

Ахчаан ахча Ким-Инесай,
 Амғыда даа сайралча сай.
 Салғахтар саапча маң сай
 Тіл чітче – тузыбыс сай.

Төллерде тілібіс арам,
 Аны сизері аар чи, аар ам.
 Пол парбай тілібіс ар чүк,
 Чоохтас-пілізері аар-чүк».



Пічік Тас ханның алғазы

– Минің, Пічік ханның, изілбес
Чахиим пар изелбес:

«Чыллар иртсе дее, изібіс
Хайраллалзын – тіл-ізібіс.

Пурунғылар пазырчаң,
Тайығ туда, пазырынчаң.
От Инее «Алас!» итчең,
Чурт-хоныхты іскер ітчең.

Тоң тадар пос тілінең
Чоохтазып Тіл Иненең,
Пубайдағы час төлінең,
Паайлап, Іче тілленчең:

– Паай, паай, палам, тыным,
Күн чарии, иртеңіл таңым,
Төреен тілің полғай тының –
Талааның, ырыс, сус-таның.



Хыйғы салчам, төллерім,
Тілім – ызых тіл, төрелім,
Аарлап чөріңер сын изін,
Айап чүрегінің ізиин.

Ахтыг позы ачыныстыг,
Час пала осхас аяастыг.
Хара пулут чох – аяастыг,
Бырчыларға – ачыг ыстыг.

Чон-ил пос тілін айаза,
Чоохтас чөрзе, чыл-ай аза,
Чарир тигір айазы,
Чигеннің³ күн-ай аазы.

Чоныбыс тілі – хыйғазы,
Чазыбас үннің хыйғызы.
Чарых омазы, хуйғазы,
Чылтызы, арыг хайхазы.

³ Чиген – Галактика.



Ирбен аластыҭ алҕазы,
Ызых, мөңе алҕызы.
Чурта, мөте, тус аза,
Полҕайзың чоңыңа туза.

Тілім-аниим, ойыннанып,
Хоос сөстернең ойналып,
Айға-Күнге чылтырап,
Өөрле, чары, чалтырап.

Чүс сөзің чүгүрт, суули,
Ил сөзің изіндіре-сули⁴,
Ағын суғдағ хооли-саали,
Арға чоңың пайыт, сали.

Хайхастыҭ тілібіс түйүнни,
Узун хараа узубин, түйүнни,
Усхуна-сабыхси, түйни,
Чапсыт – илбек ноо Түйүнни⁵!

Сули – суни (протягивать).

Түйүнни – тилекейдегі чоннарның пай, аймах тіллерінінер.



Чуит төлге сөзі

Ах пора адым чечпеде,
Арғамчы ілдім чігінде.
Ахтығ позым сағызымда,
Аарлим тілім, сағ-аазымда.

Читон читі чылғымның
Чигіренін тудып чырғирбын –
Чидінізіп чөрерге синінең,
Чайалған тілім, сиилем.

Синде, өөн, чайаан үлүзібіс,
Сыдас, чары, үзілбинібіс
Айран-талғаннаң үлібіс, –
Төллер чооғында үүлібіс.

Хакас Ада-ине тілің чохта,
Сөстер, төл, үгрен, чоохта,
Оой адирға полза чох таа –
Чоохтан, чоохтан, чоохта.



Пайып пар чоныбыс изінең,
 Алдан: «Ада-ине тіл, ізенең!»
 Хайраллап хази-изенін
 Читір чылығ, арығ изенің.

Хакас Ада-ине тілің чохта,
 Сөстерінче, төлім, ин-чохта,
 Оойы-ниигі ползын чох таа,
 Тухурланма, чоохтан, чоохта.

Тілібіс чолын істебізең,
 Урунчағын избебізең.
 Теер чіли истебізең,
 Арығ тынын истібізең.

Салыбызааң төлге хыйығ,
 Сырбатырбин харығ-хыйых:
 – Сөстер ойынын піл, хыных,
 Саблирзың чоохты тың хынығ.



Чоның сыйлаан ирке пай-ис –
 Төреең тілің – көглерін ис,
 Тадиин, сүзүнін, сиіріп, іс,
 Чүрееңде халар чарых іс.

Хада анымынаң күр өс,
 Хынар, албас синнең ол өс.
 Хыйғаң өзер, полбас пір оос,
 Сағаа атархир ағас ос.

Хайбаазың тіп, полбазын най,
 Хайнабазыннар иртіре най.
 Хылыхтығлар полза даа сай,
 Хыродабас чолың хум-сай.

Тадылығдаң тадылығ пала тілі,
 Тыып, тиңчіп, туғаннас, тилі.
 Тикке түспес пар-чоғы, тигі,
 Түнде чолың, тазығып, тігі.



Тосхан чирде тогыс хонмацаң

Чазынып сағыс көлеенде,
 Чоох парча көөлендіре.
 Пічік Тас ханны ізендіргем –
 Чазыдым изіндіргем:

– Ах сүттег арыҥ тілібіс,
 Арытпасты тілиибіс.
 Аарлыҥ хут тіл-ибібіс
 Тилир – толар төлібіс.

Синде чайаан үлүзібіс –
 Алып сын поэзия үзілбес,
 Айран-талғаннаң үлібіс,
 Төллөр чооғында үүлібіс.

Адап-сөлеп, тіп: «Аарлиим!» –
 Хынған тілімні аарлим.
 Арнап, артыхтап, аарлиим –
 Арға чон алнында арлим.



Астап-сухсап чөрчетпезін,
Ааста-тілде оң чөріссін.
Ахтанып, арынчатпазын,
Ах позы артыхтатчатсын.

Хара пазы хазарбас ползын,
Хасха тізі сарғалбас ползын.
Халыхтарнаң хыйыспазын,
Халыхтап хыйа хайыспазын.

Пічік ханнаң анымчохтазып,
Аспахтасхам, чоохтазып,
Чоох пазын хурастырып,
Аран чуланы харастырып.



*Хан тигірдең, Чылтыстардаң
чоңыбыс оолнаң хысха сөбіре
төстир артых үлүс сурынчаң...*

Пазох пасчам, чызына чазым,
Төрөөн тілімні ал тур ах чазын.
Улуғ ханым, пигім, чайзаң
Узым, хайым, көөм чайзын:

– Үлгернең үлүстіг чонмыс, –
Үгретчең ус-пас чоңыбыс, –
Хыс-хан аларда алыптар
Арчол плат мариин асчаңнар.

Үлгерге арчол плат хыстып,
Чылтыспынаң Үлчей хыстып,
Мөрийні алыптар пастир:
Атарлар, пурладып пас-тир.



Арчол плат ікі чарылза,
 Хыс-хан үлүзі чарлалза:
 Алыпнаң Хан Хыстың тойы
 Салылча – сый күні-айы.

– Чииттер, узарат чурт-хоных, –
 Чахыг истіпче наа хоных, –
 Наа чуртассар салып халых,
 Хайраллаңар, түүлбезін халых.

Хайхаңар чоныбыс-ағайға,
 Тигір пөзии сағыстығ Адаа.
 Хыныс-хонииңарға алғасты
 Чылтыстаң сурдыбыс аласты.

Ымай Инеліг үлүстігбіс,
 Ұлгербінең үлестігбіс.
 Тик нимес: «Төреен тілібіс –
 Чарых чылтыс», – тидіргбіс.



Чоныбыс тілі – ызых Солбан,
 Чіти, тыны илде соолбаан.
 Пик сындыры тўнде сынмаан.
 Читірген төллерге сын маан.

Пос арали аалчы полбин –
 Пацах⁶ палаға маң пирбин,
 Постат, ўгрет – ай-тыс пілбин,
 Постаң, ача, туғаннар пірлиин.

Ада, апсах-иней, соона салбин,
 Абаай-абый ачас – хыйа силбин,
 Абығ-абыға, абыдай, тилін,
 Ағал, чача-туңма, чайыт тілің.

Паба, іце, тус айабин ирем,
 Пиче, харындас, эр-ир, ирен,
 Аға, аача-ууча, чол пирігін
 Алта, төл ўгрет, тимің пирін.

⁶ Пацах – ыначах.



Тайы, туған-туусхан, өбеке
 Төс тартынча тиксі сөбіре –
 Тиліп турған тілібіс – өөре,
 Тархын ании – өөрле Өөрі.

*Хосханах, Азбука таныглары,
 таң, постарын көзідерге харазып,
 таң, өтіркеп, кибелістер сырбады...*

Сөстер, сиіліп, сыыныс сыхты,
 Сайраан саасхандағ пол сыхты –
 Сазызып, хаңалчап сыхты:
 Сииле, Аа-даң – Яя-ға чөр сыхты:

– Арығ айра ағынныңбыс,
 Арғыс аарлас ағыллығбыс.
 Аймартызып, аясчабыс,
 Амыр-айасты алданчабыс.



Изелбес Илбекнең изеннесчебіс.
Ирікпес Ибібіске истенчебіс.
Иркечеебісті иркелетчебіс.
Иирде иирчекті иирчебіс.

Йуулап-йолап, йоғырчабыс,
Кööленізіп, көс көлетчебіс.
Махти-масти, марғысчабыс,
Ныыри нахлана, оңнасчабыс.

Пизікте палаа паарсапчабыс,
Сөли, сиире сөс суулапчабыс,
Тыза тілбірөзін, тымырчабыс,
Уйғуланза, узутчабыс.

Хыйғаларнаң хабарласчабыс.
Хына-хайыза хыйғыласчабыс,
Хызыспин хондыхтасчабыс,
Холдаң холға холласчабыс.



Чарлап, чоохтап, чөптесчебіс,
 Ырласпин, ыр ырласчабыс.
 Э, э-э, ээлезіп, эрізіп, ээресчебіс,
 Яңзығ яңнаң яңыласчабыс.

Аа-даң – Яя-ға читтібіс,
 Азбука көрді чітиибіс –
 Азыға-ўле махтаан чидиибіс.
 Анымчохтазып, чіттібіс.

*Кинетін Ай Пічікнең
 Күн Пічік, алыптығ нымахтаң
 сых киліп, чатхан хагып,
 хайлап сыхчалар.*

Хайчы чатханын хаххан,
 Хай испееннері хааххан.
 Халых ил-чон хахаан,
 Хайчынаң хада хайхаан:



– Халғахпынаң тағ пөлерде,
Хамыспынаң суғ аларда,
Пуруннаң тынарда,
Путтап пот-пат пазарда,

Хазаа тартынып, чуртир туста,
Ханалап иб идер туста,
Ах тасхылның төзі чирде,
Ах талайның хазы чирде

Чирлеп чуртаабыстар
Ай Пічікнең Күн Пічік.
Ах талайны хастада пик
Албаты чоныбыс полып тур.

Ах чазаа малыбыс тараан тигі.
Хадарғанның ханнар ээзі –
Харындастарның піс ікізі
Халых чонның пол турбыс пигі.



– Алыптыҥ нымах чох иллер
Ил нимес, – тидіrbіс Пічік-ээлер, –
Чоохтанзабыс, чоох апарарбыс,
Сөлезебіс, сөс аңдарарбыс.

Читі Чайаан чиде түсче,
Тоғыс Чайаан өөртін түсче,
Тіл чоғынаң тіл сыхча,
Чоох чооғынаң: «Алас!» – сыхча:

– Чаа кірбезін чуртыңарға,
Чаас полыссын чарбығарға.
Чыда пазынаң минділеспес пол,
Хылыснаң хылаңнаспас пол.

Ада чирі аарлығ ползын,
Анаан изіңер иртіспес ползын.
Іңе чирі истіг ползын,
Мөгі сууңар им ползын.



Чонға чон хозылзын,
Малға мал хозылзын.
Хонығыңар пик ползын,
Хадарғаны ил – ээзі ползын.

Алтын хоор алғым сараа
Айраныңар толзын аара.
Игірлеріңе ит чүгүрзін,
Пүгүрлеріңе мүн чүзиссін.

Тамырлан өскен оттарың
Таға чабыра чатпазын.
Чилегеленіп, ағастарың
Чирге наари сабылбазын.

Чир-чалбахтың үстүнде,
Көк тигірінің алтында
Илбек күстерің чидіп –
Иртпес-парбас пол чидіг.



Чайааннар, истіп, аастанды,
 Алғас сөстернең аасхынды.
 Чатхан хыллары хыылады,
 Чылтыстарда көө үүл халды.

Ай Пічікнең Күн Пічік алып
 Харындас, пічік пізеп алып,
 Хайа, чачыннарда пасчалар,
 Тахпах, нымах чайапчалар.

Чазырбин чоохтапчабыс,
 Чон сөзінче чохтапчабыс:
 Тахпах, сөспек, сиспектер,
 Ойын, ыр түүнчеен сискеннер.

Ай-Күнче чарых өң сілии
 Сағын сағыннаандағ сиилли,
 Читкей саар⁷-аалларзар сөөлли,
 Чазыт сағыстарын сөли.

⁷ Саар – город.



Підер-танығларны маанни,
 Пулғастырып сөстер маңни,
 Көг-үннерін ыыңни-маанни,
 Тахпахтабыстылар, маң ни.

Чайааннар

Чылтың чарых Күн харағы,
 Хан тигірнің харағчызы, –
 Чылтыс чоғыл Көкте илбек,
 Син чох ил-чоннарға илег.

Хонадырзың тик иирде,
 Таңари – түн Тигірде.
 Чир, ил-чанны ізітчезің,
 Чон чуртазын ис итчезің.

Хан тигірде күн-ай азып,
 Чир Ине іңедең айазып,
 Тайғабынаң тылаастазып,
 Тасхыл-тағнаң талазып.



Чилбінең, чөре, чоохтазып,
 Суғбынаң, суули, чохтазып,
 Чирімче үнің хаалапча,
 Чатхан сағаа хайлапча.

Көө хыллары хоолапча,
 Хыызы тудып, хыылапча,
 Чітіг сөзін төл пызырча,
 Чон-чахсы, алғи, пазырча.

Изиң, чылиң тиксі читче,
 Аймах тілліг чон читірче
 Алғыс сөзін – сузыңа чісче,
 Амырны алғи Чир Ічее.

*Пу киндені хыгырар ни
 ил-чон алып?!*

Пар, итсе, андағ иреем,
 Сөстер тол килчедір ирем.
 Хакас сөстері – өөрем,
 Өөктеліп, өріне өөрлеем.



Садығ өргезер ааллап,
 Аны-мыны таллап, аллап,
 Кічеп, пу киндені алып,
 Хығырар ни ил-чон алып?!

Улуғ чооғымны чоохтап пирдім,
 Кічіг сөзімні кістет пирдім.
 Хумартхы сөзімні сөлеп пирдім,
 Хыйыстырбин читір пирдім.

Аастаң аасха – чоохтаң чоох,
 Аарласчатса – өтіг чоох.
 Пічік чох пілізері чох чоох,
 Підер, азбука чох – чоох чох.

Тилекейде талламалығ,
 Тархын түбі танығлығ,
 Тазыхпас тиңізібіс –
 Тиліп тур, тірег тілібіс.





11

11

11

11

11

11

11

11

11

11

11

Хайхастыз чурт

НЫМАХ



Нымах пізі

Ааллап килген «Нымах пізі»,
Аймастырча хоос чоох пізі.
Аас тілленче узын пізи –
Абыдылча нымах пизии.

«Нымах пізі» – устар узы,
Тудыбысча пірде уузы.
Айтып сыхса тілі-аазы –
Хооли түсче тағ-суғ аазы.

Чүрее хайнап, халых паза,
Чатханынаң нымах паза:
– Хайди, – тіпче, – идер паза,
Ис, төл, мына «Нымах пазы».



Нымах пазы

Ах талай хазы чирде,
Албас-салбас там чирде,
Пілбес, пу ба, ол чирде,
Оңнабассың син чир дее.

Чапсыстың түп-түс чирде
Чоны пар, хан чирі дее –
Хынзаң, пөл, алай чір дее,
Андағ поладыр түс чирде.

Аал турған, иблері чыыда,
Ағаа кірбиндір ух-чыда.
Чыллар хооласхан чіде,
Пу туссар амыр чиде.

Ол арада пір хабар
Искірзең, чахсы хобыр.
Хабар-чапсырхас читтір,
Аны Саасхан читіртір.



Олох хабарны Хайлах,
Хысхырып: «Йо, халах!», –
Учуғып ибіре хыылах,
Читірген, үні хоолах:

– Улуғ хайчы аалзар читті,
Хығырчабыс кірі-чиитті.
Парыңар хай истерге,
Чидер теерлер истирге!

Чоохнаң одырып исти,
Теер, хурусханы исти,
Чон пу хабарны исти,
Чарып парды тар істі.

Хайға-нымахха хына,
Хайзы аза саап хана,
Ізкте, кил, хызына
Парир, кіре хызына.



Узун-узун идіп хаалағ,
 Ат чіли салып халых,
 Пу чүгүрче чон-халых,
 Маңзырасча, о халах!

Постаңнар пасча хаалап,
 Палалар сыхтасча халып,
 Төйлер: урылған пір халып.
 Сырттар ни өрге-халат⁸?

Хайчы истерге сыынарға,
 Маңзырасчалар сыңарға.
 Ибге толдыра сыырға,
 Турчатпасха сыырыға.

Сооларынча оолах уустығ,
 Салаазын сорып устығ,
 Пырсай орлап уғыстығ
 Килчедір, пілбин устағ.

⁸ Халат – ковчег.



Чон: «Эй, тымылдах, устах!»
 Хулах тунча уғыстыҕ.
 Сымых мына уп-устыҕ
 Синзер көрчө, пас-устаҕ.

Оолахтың хылии хыныҕ,
 Төрөөні – хуруҕ хылых.
 Нанында ағас хынныҕ,
 Поғдархапча хып-хыныҕ.

Мына педірек-садах
 Артын салтыр чоон саадах.
 Чап-чалбахайах хурлыҕ,
 Иңні азыра хурлух.

Чыылған чонны чон тібин,
 Кічігім тіп тообин,
 Поғдархапча ир-табан
 Аннаң артых чох табан.



Хайчаа чыылча чон-түбен,
Ибіре чайылча тубан.
Ах өргее аал-күн чыылча,
Педірек-пеет пусча чылча.

Мал-хустар, пыр-р! Ырүгіп,
Аңчыларға үргүдіп,
Аар-пеер тисче, үргүзіп,
Оңар-тискер үрүгізіп.

Тағ-тайғаца аба тыыда
Пастырча, түгін тыда.
Хатхырып тадырада,
Кии ардатча тадырада.

Хойрала, кил, талдыра,
Чон хорғытча талдыра.
Сеек-маас хоопча толдыра,
Ыыранча, саап талдыра.



Сымзырых полған тура
Суум-саамға толча, тура.
Саадабин, одыра-тура,
Чон сыынысчадыр тураа.

Ізікке тығылдыра
Кірчелер – иб толдыра
Палаа хол тудындыра,
Суум-саам хулах тундыра.

– Эйт, хайчы, табырах табын,
Чол чабалының табын,
Чапсынған сөп-тарыбын
Ирбеннебіс, тарыхпин.

Талай-суғларны хастап,
Ноо чирде чайлап-хыстап,
Чииттернең ойнап-хыстап,
Читтің пеер чоллап-хастап.



Арса, яңылаас аас таап,
 Аймастың, тозар ас таап,
 Айдыстың, көглер ас таап.
 Аал хай сағыпча, астап.

Алыптың нымах хоос таап,
 Сөзіңні сөзірт, хос, тап.
 «Чорға адыңны» хостап,
 Читір чоныңа хоостап.

Хайчы нымах пастирда
 Одырчадыр, пас тирде.
 Иб ээзі удур пастырды:
 – Азым сынап пир! – пазырды.

Ас-тамах хаарып чырлада,
 Мүнін урыба чорлада,
 Хайчаа пирчелер чорада⁹.
 Хайлап чөнче аба чораа даа.

⁹ Чора – кувшин.



Нымахчы тайнан тоосты,
 Астаан поэычаа тосты.
 Тыстанмин, чайхап туусты,
 Сағыпча чон хайлир тусты.

Ил пілче, нымаа үүлчең,
 Үгре, сүт чілі үлчең.
 Өөркі сағыпча Үлчей –
 Хос пирер талаан-үлчей.

– Аалыбыссар син читтің,
 Алғапчабыс, пар чітииң.
 Хайчыбыс, нымааң хоғдыр,
 Иртіссін хағдыр-хоғдыр.

Нымахха килген айдастар
 Одырчалар – айдаста-ар!
 Хайын истерге, тыңни,
 Сахсынчадырлар тың ни.



Нымах пазын истіңер,
Че хайчыны истееңер.
Көріссе, көөленізеңер,
Көрбестең көленізеңер.

Хайчының поос¹⁰ аазы.
Нымағастың пос азы –
Позап парды поазы,
Пасталча «Нымах позы».

¹⁰ Поос – (авт.) толдыра (наполненный)



Нымах поэзы

Таң, тайма полчаң, таң сын,
Тайғада пар пирік сын.

Анда чурт – сын осхас сын.

Ээзі оол, сылағай сын,

Аң-хусха чүрегі сын.

Киигічек алай ба сыын,

Астазаң, ол чуртха сыын.

Ағырзаң, пеер чолың сын.

Эйт, чазыт чоох, үзін, сын

Чон сағынзын, тіп, сып-сын.

Ибні ибірче пик тын:

Хазаа-хахпаа алғым, тың.

Чурт ээзі пас чөрче тың –

Тас Оолах – аң-хусха тын.

Имнеп-томнап, кирче тын.



Чиде тўсселер хуруғ тын,
 Ўзилчетсе арығ тын,
 Чөп пирче: «Чуртасха тыын!
 Хазиин паспаай хараа-түн,
 Имненер сағ-көөң – пик түүн».

Сала-сула чарыза таң,
 Ойнапчатса чикпек таң,
 Ибірчедіп тасхыл-таан,
 Чурт ээзін усхурча Таан,
 Ухаанцы, сүмеліг Таан.

Таң, тайма полчаң, сын, таң,
 Хайзы хол сапхай ни: «Та-аң?
 Эне, пай, ис-чурттығ Таан
 Ноо тастир ағас-чурт, таан,
 Килер Оолахсар, хооп таң!



Че, турчатпинаң тигір көк,
 Өсөтпинең күр от көк,
 Күн алтынаң чайылған көг –
 Суғлар чайылған, сізе көөп.
 Хахас-чапсыс полған көп.

Ат пазынча Алтын Көөк
 Чиде түскен: «Ке-күүк! Көөк!»
 Алтын Көөк, салып маан-көөн,
 Ұнінде іле чазығ көң,
 Тілленіп искірген көөн:

– Полызарға пар ба көөң,
 Тас Оолах, сөледек көні,
 Чаа килир, турыстах көні.
 Аң-хустың түсче көңні,
 Истек, тохтат ыр-көөңні.



Чиде тўсті чыл хаспа,
Минібнең тиспе, хаспа.
Артых-пузух чоох хыспа.
Ээ, пу Таан – хониинң, хыс па,
Алай хара хус, хас па?

Таан хылыхтанған: «Пар, чіт
Хайдаң килдің, Көөк, син чит.
Чойлан чөрзің – хуруғ ит,
Ўрдіріп мында адай-іт.
Оолахха теңме, ол – чиит.

–Таан, обалың поэың чі,
Тик килем одыр мин чи.
Сағызычааң полтыр чіг.
Істічеенде полтыр чік,
Сырбапча ни айна-чик, –



Көök үс тапсап ибірчк,
Уус хусты ибірібісчк:
– Ноо тоғырзың, иртінчек!?
Таанның пазы ибірілчк,
Полған ол ибірілчк.

Көök тапсаан: «Тас Оолах, чығ,
Көр, тартын, чоңыңны чыы.
Хайын, аң-хустарны чыып.
Оғыр чаа, чон толдыра чых
Ырчы килир – уғаа чыы.

Таан пазох ла тіді «мин»,
– Йу, Көök хус, соолды ба миин,
Пазың орнына, арса, миң?
Оолах сөзімче полар миин,
Сөлепчем сағаа мыны: «Мин!»



Көөкке Таан пирбин ай-маң,
 Салдырча нинче пар маан:
 – Оолах көрче минің маам,
 Салчам ағаа тузым маң.
 Учух мыннаң, полза мааң.

Көөк харах частыҕ тілленче,
 Таң, кіленче, таң, тіленче:
 – Чуртас, Таан, сағаа истіг,
 Тох, чарас, толдыра истіг,
 Пасхан чолың маң істіг.

Че, истек мині, алыҕ,
 Чир үстү уғаа аллыҕ –
 Чағдас тур чаа өрт-чаллыҕ,
 Хара хорғыстыҕ ух-чаалыҕ.
 Таан, істің, ползын аллыҕ.



Пөріктері чалолығ,
 Хызарчатхан чалаалығ.
 Хуйахтығ, ус-чалаалығ
 Чаацылар килир чаалығ,
 Оларны сүрче чаллағ.

Көök аастанча, тілленче, кил:
 – Тас Оолах, чапчаң полдах, кил.
 Чаачы тириинні син кис,
 Одыр, мына кибіс-киис –
 Ибіркі сөл-суғлар кис.

Хара пулуттар чіре кис –
 Ползын на чарас кискіс.
 Хығырт хустарың, кіскіс
 Аңнарны: албыға, кіс,
 Палых аймағын, күскүс.



Оолах сириин сананча:
Ыырчыни дее сан анча.
Чаалазарға сынанча,
Аар сағысха пастырча,
Аары-пеері пастырча.

Алты күн парир, читі.
Тим-тиріглерін чіти
Чаа чабалы пу читті.
Амыр күн саңай чітті –
Тызы чох тустар читті.

Чыда, ух-соған чітии
Тартылчададыр чіпти –
Хорылдырча киир-чиитті:
– Алай түгенчі тус читті?
– Эй, хылыс пізі, – чіті!



Ўр бе, ас полды ізе,
Суғлар салғыда, ізе,
Сөөле-сүўліне, изи,
Тасхыл-тағларны изи,
Іс салча чик, чурт изи.

Чир тўнўгінең Ўзўт
Өтче, ирнінде ўзўт,
Чир паарын тали, ўзе,
Тыло тартынып ўзе.
Сыхча, тарына ўзе.

Быранча: «Прайзын ўзўт,
Хулларым, аң-хус узут.
Чир тўнўгінің ізии
Азыхта, чонның изі
Андар кўрирбіс, ізе.



Изелзін тик халын чурт,
 Ээленмес пу чирде чурт.
 Татай, ол мағаа чуп-чут,
 Чир үстүне чайам чут.
 Чонға чух ағырыҭ-чут».

Ибіре тастап хазыр көс,
 Харахтары чалын-көс,
 Чахии: «Чир алтынзар көс,
 Халбазын халых чон-көс,
 Сарыспаңар миннең, көс.

Ынчыхтар, хайынып сыт,
 Холларында ағас сыт.
 Аал-күнге толчадыр сыыт.
 Чайаанға хайли сығыт¹¹
 Чон алдаан: «Чааны сығыт!»

¹¹ Сығыт – сииттіг хай.



Тас Оолның турды сирии
Ээрген, Хаарғанға сіри.
– Тігі чирге, Ызүт, сыын, пар, –
Мүүстеп сыхханнар сыыннар,
Чайхала түскен сыннар.

Амыр хониибысха сыынар
Чабал көңнічеең сынар.
Чир түнүгіне сыңар
Позычааңны, пар, сыы наар.
Оңдайың парда, сыын аар.

Хара кирекке паадах,
Хайран поэычааң падах.
Тис, хаала, сырып-пудах
Хайыар! Чудас-пудағ
Сооң сүрізер, ирт пу тағ.



Ухаанчы Таан-учуххан
Оолны ибіре учуххан.
Ух-чаацахтан хайраллаан,
Ирліктерні хайырлаан –
Тасхыл-сөллер хай ырлаан!

Алтын Көөк Тааннаң халбаан,
Халғахнаң чіли халбаан –
Ыырчаа тозын-пыр тараан,
Сас-ылайға патырлаан,
Чабал-чиктер пытыраан.

Соолаан хойығ арығ хус,
Пычырасхан анда хус:
– Кизіпчебіс хуйах-хуус,
Тартып, кил, мўс чаацах хуус
Атарбыс, оортах хуйыс.



– Ызүт! – теен Кирет хан хус, –
 Тігі чирде чейің хус.¹²
 Ползын чайғы алай хыс,
 Ыгрет чоңың, матап хыс –
 Чаа идер полбазын хыыс¹³.

Сыыли читкен сай Сас хуу,
 Тарынғаннаң ах-тос, хуу:
 – Чаанаң пірлескен Иней хуу,
 Чох итірер, хурғи хуу.
 Чатчадар, опып пас хуу.

Суғда хайнаан Кир палых:
 – Чир үстү чахсаа паалығ –
 Чаа итпеске салчам паалағ,
 Ындыхтарға – хатығ паалағ,
 Иткен үчүн чонға палығ.

¹² Чейің хус – чей ур.

¹³ Хыыс – хызыс.



Сыны чох узун суннығ,
 Тоғыс хулас пөзік сыннығ,
 Түктіг мамыт аң читкен –
 Ызүттиң хази чіткен,
 Махачызы хай чіткен.

Тас Оолах, тут полбин уузын,
 Салып нинче пар узын,
 Хази састы хылыс узын
 Ызүтке, чызи узузын.
 Чаа тисче, сөөліне узу-у-ун...

– Эйт, адайлар, чапчаң хап,
 Пут-азахтарынаң хап, –
 Уусхырча Тас Оолах, хаап, –
 Хайдадыр суххлирға хап,
 Чох иділер чаалас, хоп.



Түрчеден кірчедір иир,
Чиңіске өрінче ир.
Чаа тириин туда холда
Атыбысхан хоолада.
Ыырчы чазынған хоолда.

Көйген ух-тар хоолада –
Көленгеннер аас-холда
Тілеп чазыт ас хоолда.
Чазынып сырып-хаалда
Чүгүргеннер хаалада.

Тискеннер, көре арығ,
Чортханнар оортах арах.
Підеп суғны ап-арығ,
Арып, пол парып арых
Чыстана тизек-арых.



Чаалапча хус-аң халых –
 Ырапча ыырчы хаңлығ,
 Халыхтап, салып халых,
 Хызырбин арда хаалағ
 Типси ыдырбан хааллығ.

Хысхырбинаң: «О халах!»
 Насты пісті Тас Оолах,
 Чиңдірдібіс тик олох,
 Азарбыс тигей-олығ,
 Ылай-састарны оолығ.

Тан удур үрчедір хыылах,
 Тыннары улам хыылаах.
 Чүректерінде хорғыс –
 Хайындырча хорығыс.
 Чой тіллерінде харғыс.



Ызырына чабал тисті,
Ырчы саңай тисті.
Хығырып чонын: «Тис!» – ти.
Чабалдаң пу чир осты,
Чахсы чабалны асты.

Чиңистің читті күні,
Оол саблапча пу күннi:
– Чаа тоосханнарға алғыс,
Өөркі Тигірге алғас,
Тағ-суғлар, улуғ алғыс.

Сурынчам синнен, Хайрал,
Ада чирім хайраллал.
Күлүк чоныма саблас,
Ырах таразын саблас.
Чох пол мында сабыллас.



Күлер хазаннар хайнаан,
Чон, пайрам тудып, хайнаан,
Көске час паарны хойлаан.
Палаларын хойыннаан,
Тосханнары хойбаңнаан.

Арға чонға паарсап, алай,
Таң чарып килген ап-аалай.
Ил тараан, көңнер көгліг.
Тынанарда пар көлек,
Кирек полза, ат көлік.

Чуртас парча пір көöllіг,
Чайаанға паарсах көöllіг.
Иртен Оолах турча көгліг,
Чуунарда, суу арыҥ көлліг,
Чол сығарда, тимде көліг.



Алтын Көөк ханаттыг хус
Сынында полтыр сіліг хыс.
Чүреене толып көгленіс,
Оолах, тутпин көленіс,
Піліскен хыснаң көөленіс.

Таан, үтертініп, аймасча,
Пірде сағызы аймасча.
Чүреен тызып, айғасча,
Позы поэнаң аясча.
Пірде тигірдег аясча.

Айдаң-күннең асча,
Хынызын чилге асча,
Хылиин пазынып, асча.
Учуғып аар-пеер асча –
Іди күн-айлар асча.



Істінде тіп: «Алығас!»

Тас Оолға пирче алғас.

– Ноо чирдең килген хыс Көөк,

Ағаа чайчазың син көг.

Пол парбазын пазох көөк.

Хайди даа син ханатан,

Чабынмассың ханаттаң.

Чүгленмес хол-ханадың.

Полбассың аны чидіп,

Учух парбазын, чідіп.

Тызынча паар-чүресе көөп:

– Харах чазына, син, көөп,

Ачыға пастырба көп.

Миннең артығы чох көк

Итсе, сіліг полтыр Көөк.



Че Оолға чүреен аспаан,
Ырах чолларда аспаан.
Чобалып, тағ-аас аспаан.
Полған таан хыйға, аспаң.
Тілленіп, сиспеен аас-паан.

Ыы-сыыдын, кил, пазынған
Оолға нанчаа пазынған.
Оо-хомзынызын алтаан,
Позы поэычаан алдаан.
Хылиинаң полған алтын.

Харах чазына пастыра,
Кире-сығара пастыра,
Паарсас ыызы пастыра,
Аар сағысха пастырта
Ырах-чағын пастырча.



Таан пуларны харапча,
Илектеені хорапча,
Хайран чүрее хайылча.
Пірде, чазыра уйадыс,
Сағынча: «Хойы, уйабыс!»

Че пол парча орай иирде,
Таан Көөкті чабаллирда,
Ах чазаа сыхча аахти,
Анда ылғапча, ах ти,
Аң-хус исчедір ах-тик.

Пола-пола амыраан,
Тус читкен, ол амыр ам.
Ачии арығли чіткен,
Амыр чуртасха читкен,
Полған ол ам даа чиит, кеен.



Күн сыхча, иирде хонча,
 Көөктөң Оол хоных хонча.
 Пірге сағыныс сағылча.
 Чарых суғдағ салғылча –
 Чуртас чазирға сананча.

Күн чарыпча хайхастығ,
 Хыныс чүрее хайхастығ –
 Чатхан үні хайластығ.
 Аң-хустарға өөрелес,
 Хамых чонға өрініс.

Таң, тайма полқаң, таң сын,
 Сизінерзің, хығырып, син.
 Нымағым полды пу син.
 Тымырғам чооғымны: «Син!»
 Мині майыхтырба, сиил.



Аарлығ хығырығчым, аарлап,
Арбын сөстер тапхам арнап.
Ах чазында пазыла, пози,
Айыт тоосты «Нымах поэзы».
Арт халды «Нымах пööзі».

Нымах пööзі

Чайаан нымаамны тоостым,
Ирік чохта ла, тостым.
Нартпах төстерін тыстым,
Ибір чөрчелер тыс-тым.

Пастапчадып, ізенмеем,
Пазыпчадып, изінмеем.
Хоос үн-сөзім үзілбеен,
Нымах хоостап, үзінмеен.



Тілім чанына алғыс,
Аны хайраллай алғас.
Пол, төл чуртазы айас,
Алғаай Тигір ап-айас.

Күс-чылхама киртінмеем.
Килісче тіп, иртінмеем.
Чонға читсін тіп, чайаам –
Нымаам пөлікти чайаам:

Аспах сөс – «Нымах пізі»,
Алны сөс – «Нымах пазы»,
Арбын сөс – «Нымах позы»,
Артханы – «Нымах пөөзі».



ТАПТЫРҒАС

Сөс алны.....	5
Тілім минің – хайхазым (көөл).....	13
Хайхастығ чурт (нымах).....	59



Казачинова Галина Григорьевна

**Язык хакасский мой
Тілім минің – хайхазым**

**Хайхастыг чурт
Диво-юрта**

*На хакасском языке
Редактор И.Ф. Тодинова
Компьютерная верстка Т.В. Шульбаева*

Формат 70x100 1/32

Печ. л. 3,0.

Тираж 250 экз.

ГАУК РХ «Дом литераторов Хакасии»
655017, г. Абакан, пр. Ленина, 63

Отпечатано в типографии
ГБУ РХ «Хакасское книжное издательство
имени В.М. Торосова»
655017, г. Абакан, ул. Советская, 173



ISBN 978-5-905115-82-0



9 785905 115820